

Число 2.

Ужгородъ, 1. фебруара 1925.

Роцник V.

БУДОВСТНИК

Богданчук.

Да бсій
єдніно
б́єдствъ

J.W. 31, кв.

ДУХОВНА ГАЗЕТА ДЛЯ ПОДКРУСИНІВ

РЕДАКТОР ИЗДАТЕЛЬ:
АВГУСТИН ВОЛОШИН.


ОТВѢЧАЕЛЬНЫЙ РЕДАКТОР:
ЕМИЛІЯН БОНШАЙ.

Организуйте

въ кождомъ селѣ тaborъ
читательовъ „Благовѣстника“

Коло церкви, въ читальни голосно прочитуйте людямъ
стать „Благовѣстника“, чтобы и тѣ, котрѣ читати не
знають, укрѣпилися въ своей отцовской гр.-кат. вѣрѣ

СУКНА А МОДНЪ МАТЕРІЯЛЫ,



панскѣ и дамскѣ унiformовѣ, тепихы,
церковнѣ сукна, готовѣ реверенды, сти-
хары и одежи продаються найтунише
по мustrѣ, котрѣ посылаеме на жаданя.

Выrobы сукон НЕZINA A SPOL Humpolec
Новѣреній лиферант Церковного Товариства про Реп. Чсл.


!! Свой до свого !!

„АКОРДЪ“

Перша руська фабрика
звоновъ въ Ужгородѣ.

Сими днями отвориться въ Ужгородѣ перша руська ліярня зво-
новъ „АКОРДЪ“. Капиталь создали сами наши люди. Буде
она заряджена по найновѣйшой
техницѣ и ведена перворядными
фаховцями Мѣстности фабрики
уже будуються коло жѣлѣзно-
дорожної станціи въ Ужгородѣ.
Тамъ постоянно будуть выста-
вленіе образцевъ звоны.

Найлѣпшій благородный метал.
Спеціальна марка „Акордъ“ „А“ и „С“
звоны, 10-рочна гарантія.



Замовленя просиме адрессовати:

„АКОРДЪ“, ліярня звоновъ въ Ужгородѣ.

КАНЦЕЛЛАРІЯ: Ужгородъ, Капитульна улиця 11.

Замовленя можъ передати и въ Подкарпатскомъ Банку.

Число 2.

Ужгород, 1. фебруара 1925.

Рочник V.

БЛАГОВѢСНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

А Д Р Е С :

Редакції: Kapitulska ulica 10.

Адміністрації:

Užhorod, Duchnovičova č. 12.

ПРЕДПЛАТА :

на рок 10.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ

принимаются по цѣнѣ
за 1 сторону .. 200 К
за 1/2 стороны .. 120 К
за 1/4 стороны.. 65 К

Пора пробудитися.

Христіянинъ повиненъ свой христіянскій свѣтоглядъ перенести въ кождодневное житье. Нынѣшнѣ часы потребуютъ такихъ христіянъ, котрѣ не лишь побожно моляться, но и въ свѣтѣ дѣлами своими даютъ знакъ ихъ христіянского духа. Непріятель Христовоѣ вѣры всѣ средства ужкиютъ на то, чтобы христіянску вѣру знишили и людей одвертали отъ Бога. Въ парламентѣ кричать, въ газетахъ нападають, на собранияхъ бунтують а середъ народа агитують, товариства закладаютъ изъ тоѣ цѣли, чтобы людей одорвати отъ Бога и отъ вѣры Христової.

А нашѣ христіяне? Нашѣ побожнѣ вѣрники еще помогаютъ имъ. Голосують на такѣ партіѣ, котрѣ въ парламентѣ явно выступаютъ противъ Церкви и еї слугъ, читають ихъ газеты, ходять на собранія бунтовниковъ, записуються до ихъ товариства и симъ доведуть дѣло до того, что вороги Христа чтодня укрѣпляються, а христіянскій свѣтоглядъ у slabляется.

Се дале не може такъ ити. Або-або! Если ты христіянинъ та знай твоѣ повинности! Если ты Христовъ, тогды не помогай Его непріятелямъ! Если ты хочешь чтобы Подкарпатска Русь была христіянскою краинкою, тогды не голосуй на партію против-христіянску, не читай газеты нападаючѣ на вѣру и духовенство, если ты побожный не подперай намѣры безбожниковъ.

Перевысшае всяку мѣру непослѣдовность тыхъ людей, котрѣ себе считаютъ богообойними христіянами, а мимо тогого голосують на партію комунистовъ, котра партія острый бой веде противъ всего, что христіянское. Ничъ не стоить молитва тогого христіянина, котрый молить ся: „Отче нашъ... да прійдетъ царствіе твое“, а коли приходить рѣ-

шуча пора, тогды стане отверто на сторону тыхъ, котръ царство діявола хотять заосновати на Подкарпатской Руси.

Часъ уже — въ пятомъ роцѣ нашої самостойности — отворити нашѣ очи и ясно видѣти нашѣ христіянскѣ повинности. Маеме и мы людей, котръ отъ переворота неутомимо працають въ политицѣ о побѣдѣ христіянского свѣтогляда — голосуйме при выборахъ на ихъ листину; маеме и мы газеты христіянскѣ, котръ печатанымъ словомъ хоробро защищають права Христової Церкви, держиме и мы собранія, закладаеме и мы товариства, въ которыхъ робиться о розширеніе христіянскаго духа и побѣду креста Христоваго.

У таборѣ смѣлыхъ и отвертыхъ Христіянъ маешь мѣсто побожный русине! Не бойся террора, не бойся насильствія, револуційнѣ часы уже минулися! Стань смѣло и отверто подъ заставу Христову и остав рѣшучо товариство нехрестовъ!



Церковь Христова.

Первенство св. Петра.

I.

1. Спаситель нашъ Іисусъ Христосъ есть не только основателемъ, но и головою и найвысшимъ управителемъ своеї Церкви, но онъ по своему вознесенію перебывае въ Церкви и управляетъ нею только невидимымъ таинственнымъ образомъ. И понеже Церковь есть видимымъ товариствомъ, еї членовъ учити треба видимымъ способомъ, совершати для нихъ видимы тайны и управление має кончиться видимыми разпоряженіями, зато Христосъ установивъ въ Церкви видимое священство, видиму іерархію, состоячу изъ трохъ степеней: епископства, пресвитерства и діаконства.

Однакожъ каждое видимое товариство мае мати и видиму голову. Безъ головы, безъ найвысшого видимого управителя каждое товариство розпадае на части и не досягне свое ѿ цѣли. Коли каждое организованое товариство мае одного найвысшого управителя, (въ фамиліи отецъ, въ селѣ староста, въ жупѣ жупанъ, въ державѣ президентъ або король) и Христосъ не могъ безъ головы оставити свое товариство, безъ головного пастыря лишити свое милое стадо. Онъ добре знатъ, что „**аще царство на сѧ роздѣлиться, не можетъ стати царство то**“ (Мк. 3, 23) и зато на тайной вечерѣ горячо просивъ Отца небесного: „**Отче святый сеѧлюди ихъ въ имѧ твоє, ...да всѣ едино б҃удуть... такоже мы едино єсмъ**“ (Іоанъ, 17, 11. 21. 22).

2. Хотѣвши обезпечити сie такъ потребное единство такъ въ науцѣ, якъ и въ управлениї Церкви, Христосъ изъ межи 12 апостоловъ выбравъ св. Петра, пообѣцявъ ему, что буде молитися за него, обы не „**оскѹдѣла вѣра єго**“, заявивъ ему, что онъ буде основою Церкви и по своемъ воскресеню поставивъ его головнымъ пастыремъ стада своего.

a) Коли св. апостолъ Андрей призвавъ свого брата Симона до Христа, Христосъ такъ отозвався до Симона: „**Ты єси Симонъ сынъ Іоанни, ты наречеши сѧ Киѳа, еже сказаєтса Петро**“ (Іо. 1, 42). Чудесное и непонятное дѣло чововъка скалою называть, розяснилося позднѣйше, коли Христосъ зъ своими апостолами ишовъ до Кесаріи Филипповоѣ.

b) Христосъ поставивъ вопросъ своимъ апостоламъ, за кого они его держать. Въ имени апостолскѹ коллегиѣ отвѣчавъ св. апостолъ Петро такъ: „**Ты єси Христосъ Сынъ Бога живаго**“. А на се Христосъ: „**Блаженъ єси Симоне баръ (сынъ) Іона, яко плоть и крокъ не ими тебѣ, но Оѓацъ мой иже на небесѣхъ. И азъ же тебѣ глаголю, яко ты єси Петро и на семъ камени созиждѣ церковь мою и врата адова не одолѣютъ си, И дамъ тебѣ ключи царства неїснаго, и еже аще сважиши на земли, б҃удуть связана на небесѣхъ и аще разрѣшиши на земли, б҃удетъ разрѣшена на небесѣхъ**“ (Мт. 16. 16—19).

Схизматики и протестанты усилиуютися всякимъ способомъ выкрутити значеніе словъ Христовыхъ. Однѣ кажуть, что Христосъ сесѣ слова „на семъ камени“ на себе розумѣвъ; други же, что Петрова вѣра буде основою Церкви. Но противъ сихъ насильственныхъ толкованій выражнѣ слова Христовѣ не допуштають сомнѣву, что тутъ Христосъ св. Петра поставивъ фундаментомъ Церкви свое ѿ и передавъ ему („**и дамъ тебѣ ключи царства неїснаго**“) найвысшу церковну власть. Яснѣйше и выражнѣйше и не могъ Христосъ говорити.

v) Но Іисусъ Христосъ не только пообѣцявъ, но дѣйстно и передавъ св. Петрови главенство въ св. Церкви. По своемъ воскресеню появився Христосъ своимъ апостоламъ при озерѣ генезаретскомъ и обернувшись три разъ до св. Петра съ слѣдующимъ вопросомъ: „**Симоне Іоанни, любиши ли мѧ паче сихъ?**“ На отвѣтъ Петра: „**Ей Господи, ты вѣси, яко люблю тѧ**“ ка-

завъ Христосъ: „**паси агнцы мои, паси овцы мои**“ (Io 21, 15—17). Подъ сими агнцами и овцами розумѣются вѣрники Христа и такъ св. Петро ставъ головнымъ пастыремъ Христової Церкви.

Что въ якомъ смыслѣ треба поняти слова Спасителя сказанѣ св. Петрови, на то найдостовѣрными свѣдками суть: самъ св. Петро, прочѣ апостолы и святѣ отцы первыхъ столѣтій. Ихъ мнѣнія сторазъ цѣннѣйшѣ суть, отъ отчаянныхъ толкованій модерныхъ протестантовъ и схизматиковъ.

Пекельный куколь и здоровое зерно.

1. Вѣра безъ священниковъ. Ложнѣ пророки, котрѣ якъ раки порозлазилися зъ своимъ фальшивымъ товаромъ по руськой земли, всякою всячиною обдѣлюютъ нашъ народъ и баламутятъ необережныхъ людей. Межи иншимъ, враждаютъ они на гр. каѳ. священниковъ, бо знаютъ се добре, что тою доро-гою найскорше одтягнуть людей отъ св. Матери Церкви и одѣ Христа Господа. „**Намъ не треба попа**“ — кричатъ они изъ цѣлої силы. Ци оно справдѣ такъ? Ци безъ священниковъ можно обйтися, ци можно быти спасенымъ? На сей вопросъ я тебѣ брате не дамъ отвѣта, але я впередъ звѣдаюся тебе одно: „**Скажи менѣ, будь ласкавъ ци треба тебѣ Іисуса Христа, Его науки, Его ласки и Его спасенія?**“ „**Айно!**“ — скажешь — „**Та якъ бы христіанинови жити безъ Іисуса Христа, якъ обойтися безъ Его св. науки и небесної благодати?** Іисусъ Христосъ ци не каже: „**Іазъ єсмъ путь и йстина и жикотъ: никто же пріидетъ ко Отцѣ, токмо мню**“ (Io. 14. 6). Безъ Гда Іисуса не може жити по христіянски, безъ него не е спасенія! „**Безъ мене не можете творитиничесоже**“ (Io. 15. 5). Добре, брате. Коли же треба тебѣ І. Христосъ, безъ него не е спасеня, такъ треба тебѣ и Христового священника! Бо въ руки священника зложивъ Іисусъ Христосъ свою чисту Божу науку, у рукахъ священника Христова благодать и спасеніе. До священниковъ сказавъ І. Христосъ: „**Слышаї васъ, мене слышаетъ, и шметаїся васъ, мене шметається, шметаїся же мене, шметається пославшаго мя**“ (Лук. 10. 16). Хочешь брате мой, прощеніе грѣховъ, куда тебѣ звернутися? Кто тебе розвяже, звольнить зъ кайдановъ грѣха и приверне свободу сыновъ Божихъ. Ци може рабинъ? Хоть бы онъ и якъ читавъ надъ тобою молитвы, то души твоєи не вырве изъ рукъ сатаны. Только въ рукахъ Христового священника е власть и сила од-пустити тебѣ грѣхи у святой сповѣди и только у него одного. До священниковъ бо сказавъ Христосъ: „**Пріймите дѣхъ свѧтъ: имже шлюстите грѣхъ, шлюстятся имъ: и имже держите, держатся**“ (Io. 20. 23). А схочешь Богу приемну жертву при-нести и зѣднати Божое благословеніе, треба тебѣ знова черезъ руки священника Христового принести у Службѣ Божїй святу,

чисту, Богу милу, одиноку жертву, яка стягає на нашу землю обильну росу небесныхъ ласкъ. Бо только священникъ Христовий силою словъ Господа Іисуса: „Сі́л твори́те въ моє вспоминаніе (Лук. 22. 19) має власть приносити безкровну новозавѣтну жертву и перемѣньовати хлѣбъ въ тѣло а вино въ кровь Господню! А коли душа твоя ослабне на томъ прогнанію земском и треба тебѣ, як колись жидамъ небесної манны, кто тебѣ еї дастъ, якъ не рука священника? У святомъ причастію кормить тебе Христосъ рукою священника своимъ тѣломъ и кровію пресвятою! А коли прийдеся тебѣ разстatisя зъ тимъ свѣтомъ и звести послѣдну борьбу зъ діяволомъ на смертной постели, кто скрѣпить тебе на сю важну хвилю у св. тайнѣ Елеопомазанія, якъ не священникъ. Видишъ брате, что и тебѣ и менѣ, и кождому чоловѣкови треба священника Христового, бо черезъ его руки иде на насъ nauка, благодать и спасеніе Христовое. Такъ установивъ Іисусъ Христосъ, такъ мусить быти, того нѣкто не має права змѣнити! Памятай отже собѣ то добре и не дайся збаламутити лжепророкамъ! Проси горячо Бога, чтобы пославъ намъ добрыхъ и ревныхъ священиковъ. Каже бо Господь: „Жатва обу́ш мнóга, дѣлателей же ма́ло: Молітися обу́ш Гáйнв жатви, їака да йзведéтъ дѣлатели на жатвѣ свої“ (Мт. 9. 38).

2. „Кожда вѣра добра“ — каже не одинъ лжепророкъ, высланикъ сатаны и тимъ знова баламутить людей.

Подумай, брате, и розважь, ци оно правда, что кожда вѣра добра? Скажи менѣ, якъ кожда вѣра добра, то про что самъ Сынъ Божій зойшовъ изъ неба на землю, научавъ людей а павѣть терпѣвъ и умеръ на крестѣ? Чому то Спаситель свѣта домагався одъ всѣхъ вѣры въ свою Божу nauку? Чому вѣчнымъ осужденiemъ грозить тымъ, котрѣ не приймають Его слова? „Не вѣрлай обу́же Освѣдѣнѣ єсть, їако не вѣровав во ймѧ єдинороднаго сына Божія“ (Іо. 3. 18.) Чому до жидовъ каже Господь: „Іще не ймете вѣры, їако ѿзъ єсмъ, обу́мрете во грѣхахъ вѣшихъ“ (Іо. 8. 24). Чому св. Іоаннъ Креститель кликавъ: „Вѣрлай къ сына йматъ животъ вѣчный: а йже не вѣрдеть въ сына, не обу́зритъ живота, но гнѣвъ Божій пребываєтъ на немъ?“ (Іо. 3. 36). Чому Господь Іисусъ каже: „Кто не съ мною, той на мя (противъ мене) есть?“ Чому Апостолы и и мученики житє свое клали за Христову вѣру, а не перейшли на поганску, ложну вѣру? Одповѣжъ же менѣ брате на тѣ всѣ вопросы. Най дадуть отвѣтъ на то тѣ ложнѣ прихвостнѣ сатаны! Якъ же не потрафлять дати одповѣди на сѣ питаня, такъ брехнею е, что кожда вѣра добра.

Кажуть лжепророки, что кожда вѣра добра. А звѣдаюся тя, брате, ци кождый конь, кождый воль, кожда сокира, кожда коса; ци серпъ, кождое лѣкарство доброе? Де-тамъ! скажешъ. Хиба дурный, безумный смѣвъ бы такое говорити. Е лѣкарство доброе а е и злое; конь ци воль е добрый, а е и до-

ничого; сокира, коса, ци серпъ суть добрѣ, а суть и такѣ, что и грайцаря не стоить. Оттакъ видишь и зъ вѣрою. Едино добра, свята и спасенна е та вѣра, яку принесъ намъ Іс. Христосъ, а котру голосить и учить св. мати наша едина, свята, соборна (каѳолицка) и апостолска Церковь! Всѣ другѣ вѣры, хотыбы и якъ выгоднѣ были и якъ пришаднѣ выдавалися, не суть Христовѣ але діяволскѣ и у нихъ не е свѣтла ни житя, ни спасенія, а темнота и ложь, смерть и вѣчна загибелъ!

3. „Тамъ правда где большинство“, каже дакто. Знова пекельный, діяволскій куколь. Чтобы ты, любий брате, познавъ что се ложъ, ходи зо мною до Ерусалиму. Оттамъ у велику пятницю стояла на рынке перед Пилатомъ Божа правда, Божое свѣтло, Божое правдивое житє, Іисусъ Христосъ! Онъ самъ одинъ. А противъ Него непроглядна товпа людей: фарисеѣ, садукеї и множество святочныхъ паломниковъ — переважающее большинство! И то бвльшинство заверещало: „Пусти Варраву, розбойника, а Іисуса возьми на шибеницу! Не хочеме Христа, але поганского цѣсаря! Возьми, возьми, разпни его!“. Та где правда, тамъ где большинство, ци тамъ где Христосъ?! У Господа Іисуса правда — скажешь. Айно! У Іисуса Христа правда, а не у большинства. Памятай же се добре!

Читаеме у св. Письмѣ Старого Завѣта, что противъ св. пророка Иліи, слуги и священника правдивого Бога, стануло 450 ложныхъ пророковъ, жрецовъ Ваала. (І. Царств. 18. 22). Безперечное большинство! А по чіей сторонѣ правда?! У большинства, ци у св. Иліи? Скажи самъ!

Евангеліе святое каже намъ, что суть двѣ дороги. Одна узка, тяжка, терниста та конецъ еї вѣчное небесное царство. Друга простора, широка, выгодна, легка, та кончиться она вѣчною загибелю, пекломъ. А где большинство? На дорозѣ, что до неба, иде мало, дуже мало, а на широкой величезное большинство! А где правда и спасеніе, тамъ где большинство, ци тамъ где мало? „Внійтѣ обѣзкими враты“ (Мт. 7. 13) — кличе Христосъ. Таке не дивися, где большинство, а глядай Божੋ правды, еї люби, еї держися, еї борони и спасенымъ будешъ! „И образумѣтѣ йстину и йстина свободитъ ви“ (Іо. 8. 42) каже Божа правда, Христосъ!

(P. C.)

Повинность кожного христіянина живу участъ брати въ оборонѣ вѣры своє! Кождый най зажене за минувшѣ роки предплату и най предплатить на 1925. рокъ!

Священники не только самъ повиннѣ предплатити на „Благовѣстникъ“, но постаратися, чтобы найменше 10 предплатниковъ было въ кождомъ селѣ.

Вотки взявся Веняминъ и что онъ робивъ въ Константинополѣ.

Достала наша редакція одну книжочку изъ Константина-
поля, где „прекрасиѣ дѣла суть написанѣ о гдекотрыхъ право-
славныхъ“ епископахъ, межи ними и о Веняминѣ. Мы туй на
далекой Подк. Руси думали, что Веняминъ е якійсь „истинный
русскій“ епископъ изъ святоѣ Руси, а то досвѣдчилося, что онъ
посвятився незаконно, дѣйствовавъ за весь часъ про-
тивъ каноновъ „праваславноѣ“ церкви, бывъ выгнанъ цер-
ковною властію изъ Константинополя и хвала Богу сchezъ и изъ
Подк. Руси.

Ота книга (Документы. 1924. Константинополь. Галата ул.
Камондо 8. Imp. L. Babok) оповѣдае слѣдуюче:

Якѣсь россійскѣ епископы Антоній Анастазій и пр. одор-
валися отъ россійскоѣ церкви и заосновали собѣ окрему цер-
ковь подъ назвою: „Высшое церковное Управление въ Юго-
Россії“. Чтобы цѣлое было товариство, рукоположили за епи-
скопа якогось архимандриита им. Венямина и почали свою
дѣяльность подъ протекторствомъ Деникинскої арміи.
Посылали своихъ уполномоченыхъ на всякѣ собранія навѣть и
на совѣщаніе женевское, что организовавъ римскій отець. Они
на семъ собранію появилися як „делегаты всей церкви Россій-
скої“ (ст. 12).

Коли Деникинъ и потомъ Врангель мусѣлп утѣкати изъ
Украины, залишили и они „якъ добрѣ паstryрѣ“ свое стадо и
пошли до Константинополя. Туй патріархъ принялъ ихъ якъ
бѣженцовъ, по не давъ имъ жадноѣ власти церковноѣ, и го-
ловно заборонивъ имъ право розводовъ супружествъ; „ни здѣсь
ни нѣгди за границей“ (таже и на Подк. Руси нѣтъ).

А они мимо сего что робили?

1. Чтобы собирати вѣрниковъ, зарядили церкви, храмы
божіи въ домаѣ поганъ-турковъ и то головно в гаремахъ, где
жили численнѣ жоны турковъ и где турки дѣяли всякѣ без-
стыдности и розпусты.

2. Понеже россійскѣ священники не признавали ихъ и не
хотѣли подъ ихъ управою служити, посвячовали людей, котрыхъ
не было достойно допустити къ престолу, такихъ, котрѣ уби-
вали людей въ войнѣ, котрѣ прославилися кровопролитіями,
людей запаскуденныхъ всякими гнусными (паскудными) грѣ-
хами и наконецъ людей просто неподготовленыхъ, неграмотныхъ,
бывшихъ офицеровъ, котрѣ гайновали въ священичихъ одежахъ...
Были священники, котрѣ служили св. службу три разы на день,
служили службу съ пустою чашою... а такѣ священники кре-
стили, вѣнчали, совершали тайны, проповѣдали...

3. Но головно выславилися съ розводами супружествъ,
а коли ихъ о семъ взяли на рахунокъ, они самѣ призналися,
что се есть противъ законовъ церковныхъ, но что робити,

коли „ети дѣла оплачовались очень высоко“ т. е. по нашему: достали за тѣ розводы богато грошей. Число такихъ розводовъ въ самомъ Константинополѣ „исчисляется въ сотняхъ“ а въ другихъ сторонахъ „это число громадно“, якъкаже та книжка, что выдали самъ россійскѣ „православнѣ“.

4. Въ церквахъ все лишь за политику говорили; храмы Божѣ стали „мѣстностями агитациі, политическими клубами“. Постоянно противъ теперѣшнаго россійскаго правительства агитовали, и хотѣли поставить нового царя на престолъ.

Книжочка явно выповѣсть, что „трудно описати всѣ тѣ злоупотребленія которыя дѣялись и дѣлаются и въ настоящее время“.

Коли о семъ Тихонъ дознався, „пришелъ въ ужасъ“. И разскажавъ усунути ихъ отъ епископства. Но они свистали на рассказъ Тихона. Поутѣкали до Сербіи, а Беняминъ до нась.

И мы „пришли въ ужасъ“ коли туй на своѣ очи видѣли, якъ дѣйствуе „епископ“ Веняминъ на Подк. Руси. Лишь попозерайме на ту гарду батюшокъ, что сей расколникъ посвятивъ. Суть тамъ може ними всякѣ неграмотнѣ, роботники офицеры, пяницѣ и Богъ знае якѣ фирмы; въ церкви политизують, дурницѣ говорять, агитируютъ, обклеветаютъ и бунтуютъ нашъ богобойный руській народъ. Словомъ все такъ, якъ робили въ Константинополѣ.

Дуже пожиточною е ся книжочка для нашего народа. Можъ видѣти нашъ обманутый и зведеній народъ, якѣ паstryрѣ сѣли на его голову; якѣ „твердѣ и истиннѣ священники“ одорвали его отъ прадѣдноѣ гр. каѳолическоѣ вѣры. Теперь уже най отворяться и его очи и най судить по совѣсти: что доброго принесли для него Веняминъ и его наемники. Лишь росколь, вражду, беззаконіе, бунтъ и неспокойствіе.

Най служить смутна и поучительна исторія Венямина для нась греко-каѳоликовъ укрѣпленіемъ у нашей милой вѣрѣ, а для отступниковъ громкимъ голосомъ покаянія и наверненія. Можуть быти спокойнѣ! Христова Церковь каждого изъ нихъ чекає отцевскою любовію и щирымъ сердцемъ. б).

Миссійный рухъ.

Вышинѣ Верецки. „Боже, если бы то нашѣ селяне всѣ видѣли и чули, что мы видѣли въ мukачовскомъ монастырѣ“. Сими словами зигали мы трое нашего духовного отца Василія Ларя, коли вернулися дому изъ монастыря мukачовского. „А что'сте тамъ видѣли?“ А мы всѣ трое наразъ приказуеме, ма-люеме, яка тамъ была радость, якъ много народа, якій бывъ тамъ порядокъ, якъ всѣ высповѣдовались и причащалися и не было жаднаго тиску. Всѣ зъ великою радостію слухали прекрасну проповѣдь о. Решетила. Потомъ пришли и преосв. Владыка; такъ краснѣ были въ коронѣ и проголосили прекрасну

проповѣдь въ церкви. Се мы такъ разповѣдали нашему духовникови. А они ничо не казали. Лишь у пару тыждней запросили насть до себе и сказали: „у насть буде миссія. Прійдуть тѣ самѣ отцы, что въ Мукачовѣ проповѣдали; прійде и преосвященный Владыка“. А мы отъ радости онъ летиме!

И но правдѣ 18-го октября пришли нашъ любѣ апостолы о.о. миссіонарѣ изъ Мукачова и перебывали у насть за 5 дній. О николи не забудеме за тѣ краснѣ поучительнѣ проповѣди, за ту апостолску науку, за той прекрасный походъ на цвінтарь до гробовъ нашихъ отцовъ и братовъ умершихъ. Переорали они своими проповѣдями запущену ниву, помякшили твердокаменнѣ сердца вѣрниковъ, выпололи буряны и посъяли слово Божое; а народъ змочивъ слезами покаянія, чтобы слово Божое пустило глубокій корень въ души ихъ. Причастниковъ было 1845, а то изъ цѣлоѣ Верховины, изъ далекоѣ Мармарощини а еще и изъ другого боку Бескида. Нашъ о. духовный своими прекрасными проповѣдями доста крѣпко привязали сердця вѣрниковъ до Христа, но сѣ великѣ ораторы, а сѣвачѣ Божого слова далеко отогнали хищныхъ вовковъ отъ вѣрного стада Христового въ В. Верецкихъ.

На послѣдній день и нашъ любезный Епископъ пришли. Наше паробство, якъ довѣдалися о семъ скоро собрали бандерю, 8 коней сивыхъ, 8 червенныхъ, 8 чорныхъ и 8 жовтолисихъ. Подъ нашими народными синьо-жовтыми прапорами чекали нашъ ревнѣ молодцѣ, — котрѣ готовѣ всегда побороти всякого ворога востающаго противъ вѣры и народности — передъ селомъ своего любимого Владыку. Чекаючи на приходъ Владыки размовляли меже собою легинѣ: Ба чтобы казавъ Бескидъ если бы увидѣвъ сю бандерю подъ синьо-жовтыми прапорами? Другѣ за Владыку говорять, якъ за доброго русина, доброго отца, кто пришовъ до нашего села нащивити и насть, где еще люде николи не мали щастя видѣти епископа. И размовляли молодѣ козаки — якъ ластовки защебечать.

Уже змеркало ся. Мы запалили каждый свѣчку; а свѣчки свѣтили, якъ звѣзды у темной ночи. Пришовъ моторъ. Я скочу зъ коня и громкимъ голосомъ привитаю Владыку:

— Слава Іисусу Христу!
— Слава на вѣки! — отвѣчае епископъ.

— Преосвященный Архіерею! Не заслужили мы отъ Господа Бога тути великую ласку, той великій даръ, чтобы мы могли днесъ видѣти и витати меже собою своего Владыку, своего доброго отца. Ваша поява у насть глубоко потрясла майже цѣлу Верховину и выбыває найглубшѣ чувства въ нашихъ сердцяхъ. Маю честь представити и Вашому Преосвященству найлѣпшихъ сыновъ Верховины, котрѣ як свѣдомъ русини греко-каѳолики за свою отцевску вѣру и за свой народъ готовѣ двигнути прапоръ народный и ити до бою за вѣру и за народъ. Просиме смиренно Ваше Преосвященство най зволять удѣлити намъ, вашимъ вѣрнымъ сынамъ благословеніе Архипастырское!“

На съ слова всѣ легинѣ скочили изъ коней, стали на колѣнки и такъ приняли епископское благословеніе. Чудовыи видъ бывъ. Доки жити будеме, николи не забудеме!

Потомъ рушився походъ. Народъ зъ свѣчками въ рукахъ изъ обохъ боковъ стоявъ и славословивъ Владыку. Слава! Слава! Были тамъ въ великомъ числѣ и жиды, меже собою говорячи: „Сей поправдѣ отъ Бога посланый“ и въ радостнѣ оклики христіянъ, затѣшалися голосы привѣтствуючи Епископа: Гохъ! Гохъ! Въ селѣ устроена была святочна брама зъ надписомъ: „На многая лѣта Владыко! Туй одушевленными словами привѣтствовавъ Владыку староста: Иванъ Демянъ. Въ церкви зновъ о. Василій Ларь, передаючи епископови ключи церкови. За симъ епископъ въ коронѣ проголосивъ проповѣдь, потверджаючи науку миссіонаровъ и углубляючи вѣрность къ св. Матери Церкви. По вечернѣ откончили прекрасный обрядъ суппликаціи и епископъ виедно зъ священиками сповѣдавъ до ночного часу.

Другій день архіерейска служба Божа воїка, а на ней проповѣдь о. Решетила, застерѣгаюча вѣрниковъ отъ воїковъ въ овечої кожѣ; по св. службѣ обходъ зъ міссійнимъ крестомъ, который несли три священики на своихъ плечахъ и подъ крестомъ прощальна проповѣдь и вѣрники зъ слезами въ очахъ розлучилися зъ епископомъ и міссіонарями.

Бандерія выпровадила епископа ажъ за село. По отходѣ епископа командантъ бандеріи потолковавъ значеніе трьохъ прапоровъ. Прапоръ папскій соедиияе всѣ народы; подъ симъ прапоромъ народъ живе и процвѣтає, а который народъ сей прапоръ залишить, той пропадає. Примѣръ на се Россія. Народныи синьожовтый прапоръ означає гордость и свѣдомость нашу національну; его хранити и любити будеме и тогды, коли его непріятель и болотомъ обкидають. Се е прапоромъ Іоанна Корятовича и сей прапоръ е благословенный въ Ужгородской каѳедральной церкви въ присутности великого губернатора Жагковича (посвятивъ го Георгій Шуба каноник) и пословъ америцкихъ русиновъ. Прапоръ державныи укаже и пригадує кожому русинови, что Подк. Русь е подъ охороною Ческословенскої Республики, якъ автономна часть єї и подъ єї крилами має поступати навпередъ въ славянской культурѣ.

Пошли потомъ и отцы міссіонары. Оставили за собою благу память, миръ, спокой и згоду. А народъ еще довго нѣбы чось глядавъ коло церкви, та говорить, чому то довше не требала міссія. Отъ давна уже требало было держати такъ міссіи. Слава новому епископови, что дозволивъ нашимъ отцамъ Василіянамъ въ епархіи міссії держати и слава ему, что націививъ насъ и укрѣпивъ насъ науковою своею въ св. вѣрѣ.

Высокопреподобнѣ Отцы духовнѣ! Если вы хотите вашихъ вѣрниковъ поставить на уровень зъ другими народами, если хотите обезпечити ихъ отъ схизматицкої заразы и отъ мудро-

стей батюшокъ немытыхъ, та спѣшѣть св. миссіями укрѣпляти вѣру отцевску вашихъ вѣрниковъ.

Отцы Василіяне суть художниками проповѣди, народъ ихъ цѣлкомъ розумѣе и щиро любить, ихъ проповѣди якъ огень разгрѣваютъ сердца студенѣ и якъ мечъ розобють напады непріятелей. Зъ ними виедно дѣйствовати подъ проводомъ нашего любимого руського епископа значить побѣдити всѣхъ вороговъ вѣры и укрѣпiti Христову Церковь на Подк. Руси.

Іванъ Грига.

Дубовое. Божа ласка зробила, что нѣсколько вѣрниковъ дубовскихъ прїйшли до Тернова, коли тамъ народна св. миссія была. Подъ миссійнымъ крестомъ заплакали и они изъ терновчанами. Солодко имъ было. Отъ того часа пакъ лишь одно желаніе мали: „О, кобы была и въ Дубовомъ св. миссія! Которѣ въ Терновѣ не могли быти, хоть дома бы слухали слова Божого“, Не дивуймeseя также, что коли О. о. міссіонеры: о. П. Буликъ, игуменъ мукачевского монастыря, о. С. Решетило и о. П. Гайдич дня 10. IX. приходили въ село, тамъ уже отъ мала до велика приготовилися на душевное возрожденіе. Еще и лѣсовый ерапъ взялся до роботы. Красненько поправили муръ около церкви. Сладчайшого Іисуса въ Найсв. Евцаристіи уже меже выбѣлеными стѣнами могъ нести на миссіѣ появившійся Епископъ. Народъ горнувся на св. проповѣди. Тамъ были и изъ сусѣдныхъ сель, изъ Р. Мокроѣ, Брустуръ, Ущорного, Краснишоры, Терешела, Подилеши, Калина, Ганича, Луга, Новоселицѣ, Нересницѣ, Тернова, Вульховець, Нягова, В. Кривого и Тересвы — вѣрники съ своими духовниками. Дня 12. IX. вечеромъ еще и апицика процесія приключилася, когда на цвѣнтарь шли. Знали цѣну миссіи, не полѣновалися прїйти такъ изъ далека. Въ недѣлю 14. IX. съ епископскою св. Литургією заключена была миссія. Преосв. Епископъ и 16 священниковъ выслуговали вѣрниковъ, изъ между которыхъ 1500 приступили до св. причастія. Даремно змагалися схизматики въ новой и еще и недоправленной церкви (котру насильно забрали!) набератися духа св. Миссіи вредливого. Слова вѣчныхъ правдъ захватилися и до схизматицкихъ душъ. А то послѣ Божоѣ ласки и трудовъ міссіонаровъ есть заслуга мѣстного пароха о. Є. Коссея. Онъ зъ своимъ спокойнимъ поступованіемъ и сердцемъ, душпастырскою любовью наполненymъ веде своихъ вѣрниковъ на пути истины. Зъ своими добрыми вѣрниками пережили уже 13 батюховъ въ Дубовомъ! Певну можеме мати надѣю, что Евхаристичный Іисусъ, котрого престолъ всегда такъ красненько есть у о. Коссея квѣтками обсыпаный поможе имъ и надъ схизмою заспѣвати вѣчную память. — Оден товстогорлый батюх стрѣтився на миссію идучими місіонарами. Передавъ скоро тайстренку изъ правої руки на лѣву а пакъ огорченъ, плонувъ за ними. Вѣроятно такъ хотѣвъ выразити, что его и прочихъ батюховъ робота вже лишь только цѣны мае, якъ то, что на дорозѣ остало.

Изъ шизматицкого раю.

Схизматики зновь утратили одно право за церковь.

Схизматики въ Уличъ-Кривѣ, коли видѣли, что насильствіями и террором не могутъ забрати церковь и церковнѣ маєтки гр.-католиков — почали законнымъ путемъ глядати „правду“, думаючи, что чеськѣ урядники „зъ ними“ держать. Но что не удалось грабежою, еще меньше удалось честнымъ путемъ.

Завдали прошеніе до министерства публичныхъ роботъ, что они мѣста не мають где помолитися Богу, та чтобы министерство зrekвirovalo гр. каѳ. школу и чтобы дозволили и имъ службу служити въ церкви гр. каѳоликовъ. Но схизматики даръмо надѣялися „на князей міра“, министерство брати-славское коротко и рѣшителъно „žadost stcžovaťčuv odmitlo“ т. е. по нашему: „прошеніе требователовъ отвержено“. Число: čj.: 256—1693 ai 1924/min. čis. 51083 v Praze dne 8. zari 1924.

Рѣшеніе найвысшого суда могутъ схизматики выклсти въ окно и успокоитися уже разъ въ томъ, что каждый честный чоловѣкъ знае: что не твое, того не рушай!

Въ поданномъ смыслѣ будуть вырѣшены всѣ дотеперѣшнѣ процессы за церкви, а схизматиковъ выучать, что кто вѣру мѣняе, той собѣ найде церковь. (б).

Батюхъ въ темницѣ. Бохтеръ Кенизъ батюхъ изъ Копашнього уже другій разъ сидить въ арештѣ въ Хустѣ; и то зато, бо збунтовавъ народъ противъ жандаровъ, котрѣ не давали шизматикамъ вломитися до церкви. Айбо пиловавъ батько Кенизъ отсидѣти свое еще въ осени, бо на праздникъ Рождества уже хотѣвъ въ церкви „отправляти“ Богослуженіе (?) Изъ темницѣ до церкви! То у нихъ вшитко едно. Разъ коло престола — а разъ у арестѣ. Такихъ священиковъ по правдѣ, лишь нашѣ шизматики стерплять. Никда на свѣтѣ еще не е одноѣ такоѣ вѣры, котра бы прославила ся съ темничниками-батюхами. Бѣдный руській народе, доки будешь еще терпѣти свою ганьбу?

ДОПИСИ.

Панѣ Редакторе!

Даю до вѣдома всѣмъ русинамъ, чтобы держали собѣ въ головѣ, что е то клятва. Зато я хочу описати и припадокъ нашої сестры Олены, яка она хитра была и якъ зато походила.

Походила такъ, что дуже ей ся полюбили totы проповѣди, котрѣ проповѣдують ся за Юдии грошѣ. А они проповѣдують не Христового ученія, но паскуднѣ и подлѣ клеветы; и пужаютъ народъ, что одъ нового року уніяты (греко-каѳолики) виедно зъ римо-католиками будуть свята тримати, что ихъ

Богъ е римскій отець, что ужгородскій епископъ въ воросѣ держить зъ нѣмцями, якъ коли подъ часъ войны и т. д.

И съ дурницѣ наша Олена повѣрила и до ихъ брѣхней пристала, але не явно, лишь тайно. Но дѣло не могло довго затаеное быти. Разъ увидѣвъ еѣ ктось, что опа до обохъ церквей ходить, т. е. служить Богу и мамону; въ великомъ постѣ уже греко-каѳолики явно позвѣдали еѣ, чому она отстала одъ своеї вѣры. На се она почала клястися (божити ся) и казала: „Ажъ я ся записала, обыхъ не дождала святоѣ паски у уста покласти“. А что ся стало?

Послѣ пятога недѣлѣ великого поста въ пятокъ захворѣла наша Олена, а на цвѣтну уже на смертельной постели лежала. На великий второкъ въ снѣ пришовъ до неї оденъ старый человѣкъ и казавъ: „Ты ся записала тайно, а то буде явно“. Потомъ зникъ. А на велику середу мала дуже страшное сновидѣніе. Пришовъ до неї чортъ и ухопивъ еѣ за волося и у кучу еѣ заперъ. А у четверь великій попрощалася зъ родичами и сусѣдами и въ полудне отдала душу свою Богови. На самый праздникъ Пасхи похоронивъ еѣ нашъ священникъ по нашему обрядови, кто такожъ и высповѣдавъ еѣ передъ смертю.

Най се напишуть въ „Благовѣстнику“, чтобы и другѣ греко-каѳолики научилися вароватися одъ фальшивыхъ пророковъ, котрѣ за Юдинѣ грошѣ розбивають стадо Христово.

К. Л. селянинъ изъ Рахова.

Многоуважаемый Пане Редакторе!

Листъ писаний изъ Березова жупы Мараморошской, дня 21. I. 1925. Слава Іисусу Христу! Я до теперь еще не писавъ у нашу милу газету „Благовѣстник“ ибо стыдив'емся дати свѣту знати дачто лихого за наше село, але теперь уже одважився заслати Вамъ сихъ пару словъ.

Наше село лежить межи чисто шизматицкими селами, мы греко. каѳол. сусѣдовъ не маеме. Стоиме якъ островъ въ морѣ. И можете гадати Пане Редакторе, же колько намъ терпѣти приходиться одъ насильствій шизматиковъ меже сякими обставинами. Но хвала Богу маеме доброго молодого духовника въ особѣ Василя Сухій, котрый не боиться террора „православныхъ“, но услугуе насъ такъ вѣрно, что и изъ отступниковъ уже много навернулося назадъ у правдиву вѣру. Правда се шизматикамъ не на дяку; та что бы имъ чинити? По Богоявленію того дня т. е. на праздникъ Іоанна Крестителя нашъ духовникъ походивъ всѣ хижѣ, чтобы посвятити домы вѣрниковъ по христіянскому обычаю. А шизматики вмѣсто того учинили собѣ балъ. Майже на томъ балу мали досудити, чтобы и они ишли хижѣ святити, та и пошли на фару нашего духовника, але не зъ святою водою, но зъ камѣньомъ, зъ якимъ повѣбивали всѣ вызоры (окна) и такъ мало не побили и дѣти духовника. Но та кажѣть Пане Редакторе, что сесе за

вѣра, яка дозволить сяку соблазнъ?! Та ци русинъ уже зъ камѣньомъ ходить хижу святити?! Но але не бѣда, Богъ видить! И что гадаете Пане Редакторе, ачай мы у нашей гр. каѳ. вѣръ ухляли позадъ сеѣ соблазни? Нѣтъ, но еще май утвердилися, ибо намъ сяку кацапску вѣру не треба, она нась не тѣшить.

Бывайте здоровъ Пане Редакторе, бо уже больше не пишу, доста бѣда и жаль же не могъ емъ дачто веселѣйшого написати, мѣсто сеѣ ганьбливовоѣ вѣсти.

Зъ Богомъ

Иванъ Тегза.

Листъ вояковъ до „Благовѣстника“.

Пане Редакторе! Пишеме Вамъ сей малый листочекъ по уkońченїю нашоѣ военскоѣ службы, въ которой мы переживали всякъ часы; было тамъ тяжко и бѣдно, сумно и весело. Наибольше утѣхи и радости мали, коли сме достали „Благовѣстникъ“; тогды сме сѣли по за столъ, та зъ щирою любовию читали, котрѣ знали, а котрѣ не знали, тоты съ увагою слухали теплѣ слова, котрѣ были написаны въ немъ. Бо знаете, что при войску майже наибольше недѣли было, что до церкви не ишли. Бо тогды, коли въ церкви отправа стояла, та тогды у насъ май „проглидки“ дѣлали. А мы собѣ посѣдали и читали Благовѣстникъ, та оденъ другому кажеме: то такъ якъ бы намъ якійсь священникъ наказъ казавъ. Та дуже Вамъ за ото красно дякуеме, бо лишь только утѣхи мали за тѣ два годы; такъ, якъ бы были коло нась, та изъ своихъ усть казали, та тѣ слова мы приѣмали до нашоѣ мысли. Та се дуже красно дякуеме Вамъ и желаеме многая и благая лѣта.

GANGUR ILKO, p. p. č. 45. Tech. rota Hust.

Высокопочтенный Пане Редакторе!

Мѣсяца октября 13-го, было то въ понедѣлокъ, Высоко-преосвященный нашъ Отецъ Петръ, нащививъ наше бѣдное село Суху (окр. Довгое). На праздникъ Покрова Пресв. Богородицы, въ Довгомъ кончивъ Высокопреосвященный архіерейскую службу. Изыйшлося множество народа слухати архіерейское Богослуженіе и придивитися посвященїю трохъ пресвитеровъ, якое то мало кто видавъ до сего часу изъ нашего народа. Было тамъ много народа изъ нашего села Сухоѣ, но мы двое были изобраны въ депутацію къ Высокопр. Отцу. Иванъ Порѣнецъ церковный кураторъ и Юра Бляха дочастный церк. пѣвецъ. По службѣ Божїй Высокопреосв. Отецъ принимавъ депутаціѣ за рядомъ, въ котромъ ряду и мы были принятъ. По вшиткой его працѣ зъ народомъ, у о. Михаила Медве почався обѣдъ, въ котромъ такожъ и мы двое участъ брали. По обѣдѣ Высокопреосв. Отецъ въ великомъ народномъ крику: Най живе нашъ Владыка! пустився въ дорогу до Загатя. Но что ся изъ сего торжества стало? Что говорятъ заблудшѣ цра-

вославнѣ о тыхъ, котрѣ еще не зблудили изъ правого путя? „Порѣнецъ и Бляха гостилися зъ Владыкомъ у попа, та продали церковь Владыкови за 3000 Кч, бо сія церковь (Суханска) до сего часу не была зatabулована на папу римскаго и посему ничъ вамъ до церкви, бо церковь не ваша но папы римскаго и Владыкова. Бо сесѣ двое, котрѣ съ папѣшскимъ попомъ Медвеомъ служатъ и за нимъ стоять продали вашу Церковь. Та обысте видѣли якъ ваши слуги вѣрнѣ, вѣрнѣ но не вамъ, ай попови и Владыкови“. Сими словами бунтують нашъ народъ! Но я вамъ крѣпковѣрѣ шизматики даю на сѣ клеветы оденъ отвѣтъ.

Нашу суханску церковь дали избудовати нашѣ дѣды и наши отцы, котрѣ называлися греко-каѳолики. До нашої церкви никто не иде отправляти жадное богослуженіе, только греко-каѳолики. Въ нашей церкви и не буде никто жадну отправу кончити только греко-каѳолики. То е правда, что мы зъ Епископомъ обѣдали, но мы ся тымъ тѣшиме, бо дуже добре знаеме, что съ истиннымъ христіяниномъ и нашимъ паstryремъ Петромъ, гостилисмеся, котрого имя каждому нашему хоть маймалому дѣтинчатому е знанное. Но вы бронецѣ и другѣ одступники, котрѣ на насъ нападаете усякими брѣхнями, якого вы гостя витали? Ци истинно знаете его, же онъ е христіянинъ? Ци не е онъ жидъ? Можетъ знаете и самѣ, что тово е старо-завѣтное имя Веніаминъ. Тото имя и теперь ся находить въ жидовской вѣрѣ. Бѣньюмынъ. Но, ци имя Бѣньюмынъ май полезное единому крестьянинови, ци Петро? По моему Петро, а по вашему православному най буде и Шулимъ. Теперь читаво гавкайте на усѣ силы бо уже васть май мало е, якъ васть было изъ початку. Думалисте собѣ, что батюшки будуть вамъ на зиму дровъ на огень рубати, а истинно православнѣ пойдутъ по жебрахъ. Но то ся нестало Богу дяковати и не станеся. Но звѣдаемеся одъ Васъ Брончанъ, ци не скарѣдовалистеся съ Бѣньюминомъ ъсти, коли ему долю бородою текла страва у блюдо? А вамъ казавъ ъжте братя, бо лише только Іисусъ Христосъ лишивъ по собѣ любви одъ тайноѣ вечери, у ворося ъсти и по бородахъ поцѣловати. Якъ знаеме, коли чоловѣкъ говоритъ зъ даякимъ ученымъ, а чистотнымъ чоловѣкомъ, и по тому не каже что зъ жидомъ говоривъ, или съ другимъ бородатымъ, но каже что зъ паномъ говоривъ. Такъ и мы двое, если гостилисме ся, то першій разъ зъ великимъ паstryремъ гостилисме ся, а по другомъ еще и зъ паномъ. Мы сухансѣ жителѣ желаеме нашему Высокопреосвященному Отцу, чтобы ему Богъ небесный допомогъ у здоровлю еще наше бѣдное село посѣтити хоть еденъ разъ по сему. Но мы и сякъ, яко вѣрнѣ его дѣти до послѣднього часу за свою вѣру будемеся бороти, а недамеся извести бородатымъ лжепророкамъ, брехячамъ, но будеме боронити свою вѣру а то православну греко-каѳолическу вѣру.

Юра Бляха, доч. церк. пѣвецъ.

Іванъ Поринецъ, церк. кураторъ.

НОВОСТИ

— Поворотъ до св. Церкви. Изъ певного жерела довѣдуемся, что на Подляшу (теперь подъ Польщею) колько сель зголосилося *на переходъ на унію* и Преосв. Еп. Пшездзяцкій принялъ ихъ, заховуючи восточный обрядъ. Теперь глядаютъ русского душпастыря для нихъ. Такъ уже насытилися московскою схизмою нашъ братя и русины и на съверѣ, якихъ колись царскѣ посѣлаки силою нагнали у схизматицкое багно, тай вертаютъ назадъ на лоно единоѣ, святоѣ соборноѣ (каѳолицкоѣ), апостольскоѣ Церкви. Что скажуть на се нашъ одступники Гагатки, Бескиды, и ихъ заушники, котрѣ хотѣли бы запровадити нашъ добрый подкарпатскій русскій народъ въ схизматицку, московску калабаню ?!

— Богъ сильнѣйший, якъ схизматицка злоба. Въ Копашновѣ запалили схизматики у Ивана Фаркавця оборогъ съна; отъ оборога въ 1 т. далекости бывъ другій оборогъ а на $1\frac{1}{2}$ м. хлѣвъ. Но ни сей хлѣвъ, ни другой оборогъ не згорѣли. Схизматики постоянно роблять шкоды нашимъ вѣрникамъ; то съно разметаютъ, поламаютъ ворота, ваги изъ колодязя изрываютъ и т. д., чимъ они явно докажутъ, что ихъ вѣра не отъ Бога, бо повна ненависти противъ другихъ людей. Такъ и поможе имъ Богъ небесный.

— Словацкѣ епископы выдали пастырскій листъ, въ котромъ запрещаютъ священикамъ высповѣдати и похоронити тыхъ людей, котрѣ суть членами комунистичної партії.

— Гагатко не вмѣстить ся въ своей кожѣ. Пришелець Гагатко, кого шизматики выбрали за „депутата“ нападае на наше духовенство. Коли се читаеме въ „Русской Земли“ прийде намъ на гадку руська пословиця: Пусти пса у хижу, то вылѣзе на столь.

— Въ Румунії соединили календарь и правительство примушуе нашихъ вѣрниковъ уживати новый стиль. Епископъ Петро противъ сего заявивъ острый прогестъ у румунского правительства.

— Греко-вѣсточнѣ (православнѣ) монахи головно въ Петербурзѣ и Москвѣ въ великомъ числѣ вергають въ лоно каѳол. церкви. Зъ большоѣ части суть старшѣ людѣ. Одень зъ нихъ заявивъ: „Нашъ Спаситель пообѣцявъ своей Церкви, что ворота адovѣ не перемогутъ еї. Таже мусить дагде быти сеся церковь, бо еще не е конца свѣта. Мы есме переконанѣ, что ся церковь есть ваша; бо нашу большевикн уже розбили. (Revue apologetique 1934. ст. 252).

— Упокоився. О. Владимиrъ Желтай гр. каѳ. духовникъ въ Грушовѣ 31-го январа умеръ. Блаженый ему покой !

ПЕРЕПИСКИ РЕДАКЦІИ.

MICH. KUŠIBA AMERIKA. Засилаємо вамъ газету дочасно; якъ заженете 1 долларъ, тогды порядочно буде ходити вамъ газета. Книгопечатня руська: UNIO UŽHOROD, KORJATOV. NAM. 10.

M. MOČKOŠ. На 1924. рокъ заплачено I.—24. 1924. чрезъ руки редактора; заплачено и на 1922 рокъ; хибить также предплата на 1923 рокъ.

СОДЕРЖАНІЕ.

ПОРА ПРОБУДИТИСЯ. — НАУКА О ВЪРЬ. — ПЕКЕЛЬНЫЙ КУКОЛЬ И ЗДОРОВОЕ ЗЕРНО. — 1 Вѣра безъ священниковъ. 2. „Кожда вѣра добра.“ 3. „Тамъ правда где большинство.“ — ВОТКИ ВЗЯВСЯ ВЕНЯМИНЪ? — МИССІЙНЫЙ РУХЪ. Вышнѣ Верецки. Дубовое. — ИЗЪ ШИЗМАТИЦКОГО РАЮ. Схизматики зновъ утратили одно право за церковъ. Батюхъ въ темницѣ. — ДОПИСИ. — НОВОСТИ.

появилася

НАУКА О ВЪРЬ.

Для уживанія школьн. молодежи і подк.-руського народа.

Ся книжка есть перша самостойна догматика на русъкомъ языцѣ на Подкарп. Руси. Содержить въ собѣ толкованія всѣхъ членовъ нашего вѣроисповѣданія; написана ЛЕГКИМ, ПОНЯТЫМЪ, НАРОДНЫМЪ языкомъ.

Научаетъ нашу молодежь и нашъ народъ на точное и основное познаніе вѣры своеї, подае доказы правдивости нашої гр.-каѳ. вѣры, головно противъ нападовъ схизматиковъ. Каждый, кто перечитає всю книгу, укрепляется въ вѣрности и въ любви къ своей вѣрѣ.

Авторъ сеѧ книжки есть о. ЕМИЛЯНЪ БОКШАЙ редакторъ Благовѣстника, кто своимъ перомъ такъ успѣшно воюе противъ лжеученій еретиковъ и на столбахъ Благовѣстника освѣдомляе для обороны вѣры подкарпатскихъ русиновъ.

Цѣна книги 12 кч. — можно достати въ РЕДАКЦІИ БЛАГОВѢСТИКА, Ужгородъ, Капит. ул. 10. Подк. Русь ČSR.
На порто просиме заслати 30 гел.

Первое и единственное
дружественно подпрѣмство

„СОЛ“

свѣчкарня и воскарня в Космоносах заложено и ведено духовенством и лицами, допоруче свої перворяднѣ выробы, церковнѣ свѣчки, каждого другу, восковѣ, половосковѣ, крашенѣ и луксусно здобенѣ, якож и столнѣ свѣчки всього другу, мыдло на праня и тоалетное, крим на обув; воск и крим на чищеня паркету. От духовенства купуеме пчолячій воск, отпадки из свѣчок, или вымѣняеме за свѣчки. Всому превелебному духовенству, сл. патронатным урядам, господарским дружествам, и всѣм католицким сполкам до ласкавоѣ вѣдомости под геслом:

„СВОЙ К СВОЙОМУ!“

JOSEF NEŠKUDLA

NOVÝ HRADEC KRÁLOVE Čs. R.



Посылае скоро за половину цѣну: Ривы,
стихары и всѣ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, лстры,
кресты, одежи и проч. найдешевше.

— Коло новых обѣданьях скоро задаръмо поправлю старѣ одежи. —

КОГУТ и ГОРЕИ
УЖГОРОД, РАКОЦІЯ ул. ч. 11.

ЗВОНЫ

250 и 200 кг. на
складъ.


Много признань, похвальныхъ листов и подяк. За
належите выполнение и милый звук звоновъ повна
запорука.

„СВОЙ ДО СВОГО“.

„СВОЙ ДО СВОГО“.

ЦЕРКОВНѢ
ПРЕДМЕТЫ
як: кресты, свѣчники,
образы до ношения
и т. д.

ВЛАДИМИР КОГУТ



Принимає до золоченя нашѣ и
обновляє всякѣ инишѣ церковнѣ
предметы. Купуйте за тунѣ грошѣ
лем у руськоѣ фирмы.

УЖГОРОД, РАКОЦІЯ ч. 11.